

**BOSNA I HERCEGOVINA
FEDERACIJA BOSNE I HERCEGOVINE
FEDERALNO PRAVOBRANILAŠTVO
FEDERALNO PRAVOBRANITELJSTVO
SARAJEVO**

Broj: Fp-43/24
Sarajevo, 01.02.2024.godine

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 01-02-2024			
Org. jed.	Broj	Priloga	Vrijednost
05/1	- 02 -	35/	24

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM**

PREDMET: Admir Čavalić,
Odgovor na zastupničko pitanje, dostavlja se,-

VEZA: Vaš akt broj: 05/1-02-35/24 od 22.01.2024. godine.

Aktom, broj i datum iz veze, dostavili ste nam zastupničko pitanje zastupnika Čavalić Admira kojim se traže podaci koliko država Bosna i Hercegovina i entitet Federacija Bosne i Hercegovine ima finansijskih obaveza da isplate po presudama Arbitražnih sudova (ICSID) i ostalih sudova u postupcima koji su završeni protiv države BiH ili Federacije BiH.

Zaključivanje i izvršavanje međunarodnih ugovora regulisano je odredbama Zakona o postupku zaključivanja i izvršavanja međunarodnih ugovora. Inicijativu za pokretanje postupka za zaključivanje međunarodnih ugovora mogu dati institucije Bosne i Hercegovine, entiteti, kantoni i druge regionalne i lokalne zajednice, te preduzeća, ustanove, nevladine organizacije i druga pravna lica iz područja svoga djelovanja.

Pregovore za zaključivanje i potpisivanje međunarodnog ugovora vodi Bosna i Hercegovina koju zastupa delegacija koju je odredilo Predsjedništvo Bosne i Hercegovine, odnosno, po njegovom ovlaštenju, Vijeće ministara Bosne i Hercegovine. Predsjedništvo Bosne i Hercegovine, po dobivenoj saglasnosti Parlamentarne skupštine Bosne i Hercegovine, odlučuje o ratifikaciji međunarodnog ugovora. Međunarodnim ugovorom se određuje koji će sud biti nadležan za rješavanje nastalih sporova.

U slučaju nastalog spora strani investitori upleteni u spor sa državom domaćinom ulaganja mogu birati između pokretanja arbitražnog postupka ICSID prema ICSID Konvenciji ili u arbitražom postupku prema UNCITRAL arbitražnim pravilima radi rješavanja njihovog spora o ulaganju.

Sporovi nastali iz međunarodnih ugovora vodi se protiv države BiH, a ne njenih entiteta.

Međunarodne ugovore koje je zaključila Bosna i Hercegovina, a kojima se stvaraju obaveze za domaća pravna lica, neposredno izvršavaju ta pravna lica.

Ako domaće pravno lice ne izvrši svoje obaveze koje proističu iz međunarodnih ugovora koje je zaključila Bosna i Hercegovina, te će obaveze izvršiti Bosna i Hercegovina na teret onog entiteta na čijoj se teritoriji nalazi to pravno lice.

Obzirom na navedeno Federalno pravobranilaštvo ne zastupa Bosnu i Hercegovinu ni Federaciju Bosne i Hercegovine u postupcima pred arbitražnim sudovima.

Zastupanje pred arbitražnim sudom Bosnu i Hercegovinu zastupa Pravobranilaštvo Bosne i Hercegovine, te se u tom smislu, u svakom konkretnom slučaju, zaključuju između Bosne i Hercegovine i entiteta Bosne i Hercegovine sporazumi o međusobnim pravima i obavezama u vezi sa arbitražnim postupkom.

Obzirom na izneseno Federalno pravobranilaštvo ne raspolaže sa informacijama koliko Bosna i Hercegovina i Federacija Bosne i Hercegovine imaju finansijskih obaveza da isplate po presudama arbitražnih sudova.

Podatke kolike su finansijske obaveze Federacije Bosne i Hercegovine, po presudama ostalih sudova u postupcima koji su završeni, možete zatražiti od Federalnog ministarstva financija, jer o tim činjenicama Federalno pravobranilaštvo ne vodi službenu evidenciju.

Dostavljeno:

- Naslovu,
- a/a.



FEDERALNI PRAVOBRANITELJ

Jakov Dujčić